

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutaa.

Aningaasaqarnermut tunngasut

Imm. 03 Balance-t.

Suliassat nalinginnaasut

Imm. 04 Vejformand-ip aapperneqarnissaanik siunnersuut

Imm. 05 Tuttunniarnissamut umimmanniarnissamullu piffissaliussat pisassiissutillu ukiaanerani 2018 tusarniaassut

Imm. 06 Sanaartugassatut kissaatit 2019-mut

Imm. 07 Eqqakkanik poortuisalernissami sulisusup aappassaata tiimissaanut qinnuteqaat.

Imm. 08 Kangaatsiamiit tikeraartussat aaqqissuunneqarnissaanut qinnuteqaat.

Imm. 09 Inuiattut ullorsiornissami aaqqissuisut qinnuteqaataat.

Imm. 10

Paasissutissiissutit / Ilisimatitsissutit

- 1. Atuarfiup siulersuisuisa ataatsimiinneranni imaqarniliaq.**
- 2. Allaffiup pisortaata nalunaarutaa qaammat Maj 2018**
- 3. Nunaqarfimmi aqutsisut ataatsimiinneranni imaqarniliaq 23.Maj 2018**
- 4. "Oqalliffik" 31.Maj 2018 imaqarniliaq.**
- 5. Inuttut ineriartorneq pillugu tamanut ammasumik paasisitsiniaaneq.**

Imm. 11 Tamalaat.



Nunaqarfimmi aqutsisut ileqquusumik ataatsimiinera
13.Juni 2018 08/18.

Ataatsimiinneq aallartippoq nal. 13:00

Peqataasut:

Atassut

Albrichtine Lyngø

Siumut

Barnabas Larsen
Efraim Olsen

Nalunaaruteqarlutik peqataannngitsut:

Nalunaaruteqaratik peqataannngitsut



Imm. 01 Oqaluuserisassat akuersissutigineri

Aalajangiineq

Akuersissutigineqarput.



Imm. 02 Siulittaasup nalunaarutaa.

Ilanngussaq 1.
Siulittaasup nalunaarutai.

Aalajangiineq

Tusaatissatut tiguneqarput.

Nunaqarfimmi aqutsisut ileqquusumik ataatsimiinera
13.Juni 2018 08/18.

Imm. 03 Balance-t.

J.nr. 01.00.04

Maleruagassatigut tunngavissat.

Balance-t ulloq 8.Juni 2018-meersut

Karseqarnikkut Qeqqata Kommunia-ta maleruagassa.

Innersuussut

Innersuussutigineqarpoq ilaasortanit tusaatitut tiguneqassasut.

Aalajangiineq

Tusaatissatut tiguneqarput.



Imm. 04 Vejformand-ip aapperneqarnissaanik siunnersuut

J.nr. 03.03.02.02

Tunuliaqutaq:

Oqaluuserisassanngortitsisoq siulittaasoq Barnabas Larsen.

Vejformand-ip aapperneqarnissaa, ukiuni kingullerni suliassat inatsisitigullu piumasaqaatit annertusinikuupput, maanilu aqqusiniinnaat pineqarneq ajorput, tassami ullut tamaviisa suliassaqtaraluarpoq.

Qulakkeerlugu atorfik pineqarsinnaappat sulerusuttoq ukioq kaajallallugu neqeroorutaalerpat kajuminnerulissapput.

Tamaattumik siulittaasumit siunnersuutigineqarpoq vejformand-ip aapperneqarnissaa pillugu qaammammusialimmik aaqqiissutissamik ujarlertoqassasoq.

Pissutsit atuuttut:

Ukiup taamaasinerani sulisussaaleqineq nalinginnaavoq nipisanniarneq aalisakkallu allat aallunneqalertarmata ukiakkut juullillu tungaanut sulerusuttut takkussuuttarput ataatsikoorlutik.

Aningaasaqarnikkut allaffissornikkullu kingunerisinnasai.

Aningaasaqarnikkut allaffissornikkullu kingunerisinnasai : Balance-t misissuataarneranni vejformand-ip aapperneqarnissaanik nassaassaqaanngilaq.

Innersuussut

Allaffeqarfiup innersuussutigaa, Teknisk udvalg-mut allagaqaasiortoqassasoq aningaasartaanut tunngasunik ujarlernissaq eqqarsaatigalugu.

Aalajangiineq

Innersuussut akuersissutigineqarpoq.

**Imm. 05 Tuttunniarnissamut umimmanniarnissamullu piffissaliussat pisassiissutillu
ukiaanerani 2018 tusarniaassut**

J.nr.

75.03.05

Tunuliaqutaq:

Tusarniaassut tuttunniarnissamut umimmanniarnissamullu.

Pissutsit atuuttut:

Ukiut tamaasa tuttutunniarnissamut umimmanniarnissamullu tusaniaasoqartarpoq.

Tusarniaassut 29.Juni 2018 tunniunneqareersimassaaq.

Innersuussut

Allaffeqarfiup innersuussutigaa, ilaasortanit oqallisigineqassasoq.

Aalajangiineq

Tusarniaassut ullut pisassallu aallartiffiit – uninnerilu akuersissutigineqarput.

Imm. 06 Sanaartugassatut kissaatit 2019-mut

J.nr. 06.01

Tunuliaqutaq:

Sanaartugassatut kissaatit ulloq 31.Maj 2018 nunaqqatigiinnut saqqummiunneqarput,saqqummiunneqartullu nunaqarfimmi aqutsisunit ulloq 13.Juni 2018 akuersissutigineqarlutik.

2019

1. Inuusuttunut inissiat nutaat
2. Talittarfik nutaaq
3. Aqquernut asfalturnerata naammassinissaa.

(1.)

Nammernersorlutik Oqartussat inissiaatiminik isaterisitsinerata kingorna taarsiilluni sanaartortoqarsimanngilaq taamaattumillu inissarsiortunut tamanna kingunerlutitsilluni. Siuliani taaneqareersutut nunaqarfitsinni inissiaqarneq eqqarsaatigalugu maannakkut neqeroorutissaqartoqanngilaq,nutaanillu sanaartornissaq pisariaqalersimalluni. Pingaartumik inuusuttunut sammisunik, innersuunneqarpoq B 221 tunngavikua sanaartorfigineqassasoq.

(2.)

Talittarfik nutaaq pisariaqaliveqqavoq angallatit allinerat aammalu assartuinermi tulassinnaanngitsut (Sallinnguatigut pulassinnaanngitsut) amerlammata. Taliitarfik nutaaq pippat assartuussinermi ilaasunik kiffartuussinermi kiisalu takornarissanik tikisitsisarnermi periarfissat annertuut piulissapput. Kangaamiut siuariaateqassapput talittarfik nutaaq pinngitsoorneqarsinnaanngilaq. Periarfissat ammartussat talittarfissap timaani amerlapput. Fabrikki nutaaq il.il. Kiisalu avannaatungaanut sorpassuarnik ammaassissaaq.

(3.)

Nunaqarfiup iluata ilaani nunaminertat arlaqartut qaartiterinikkut manissarneqarnissaat pisariaqarpoq,Kangaamiut sivingavoq taamaattumik pisariaqalerpoq nunagissaanissaq. Ukiumi aputaajaasarnerup pisariinnerusumik ingerlanneqartalernissaa manissaanikkut sipaarutaasumik kinguneqartussaavoq.

Nunagissaaneq ilutigalugu aqquernit asfalturnissaat pisariaqavippoq naammassineqarnissaa.

Aaljangiineq

Ilasuteqalaartillugit akuerineqarput.



Imm. 07 Eqqakkanik poortuisalernissami sulisususp aappassaata tiimissaanut qinnuteqaat.

J.nr. 27.04.00

Tunuliaqutaq:

Oqaluuserisassanngortitsisoq nunaqarfimmi aqutsisuni ilaasorta q Efraim Olsen, oqaluuserisassa q siulittaasumit Barnabas Larsen-mit akuersissutigineqarpoq.

Eqqakkanik poortuisalernissami sulisussarsiornissami ullormut tiimit ator neqarsinnaasut tamakkerlugit sulisitsinissamik piunasaqaateqarnissaq siunnersuutigineqarpoq.

Pissutsit atuuttut:

Ukioq manna ikuallaavik atorunnaarlugu eqqakkanik poortuisoqartalissaaq, tamannalu pillugu Teknikkeqarfimmiit Maniitsumilu ikuallaaviup pisortaaniit paasisitsiniaaneq ingerlanneqarnikuuvoq oqaatigineqarporlu ikuallaasooq ataaseq taamatut sulinissaminut naammattoq.

Allagaq siunnersuut Teknikkeqarfiup ittuanut ingerlatinneqarpoq tassanngaaniit akissuteqartoqarnissaa neriorsuutigineqarmat.

Aningaasaqarnikkut allaffissornikkullu kingunerisinnasai.

Aningaasaqarnikkut allaffissornikkullu kingunerisinnaasai : Balance-t misissuataarneranni ikuallaasup aapperneqarnissaanik nassaassaqaanngilaq.

Innersuussut

Allaffeqarfiup innersussutigaa, ilaasortanit oqallisigineqassasoq, ataatsimiinnermilu vejformand peqatigineqassasoq nalilersuiner mi.

Aalajangiineq

Imm.04 tunngavilersuutissatut ilanngunneqassaaq.



Imm. 08 Kangaatsiamiit tikeraartussat aaqqissuunneqarnissaanut qinnuteqaat.

J.nr. 13.10

Tunuliaqutaq:

Allagaqarluni saaffiginnittoq Kitsia Petrussen oqaluuserisassatut siulittaasumit Barnabas Laren-mit akuersissutigineqarpoq.

Kangaatsiamiit tikeraartussat ulloq 18.Juni tikippata tikilluaqqullugit aaqqissueqataasussallu ilisaritillugit nereqatigiinnermik aallarniisoqassaaq aningaasallu ilai tikeraat aallartinnagit naggartaarnersiornermut atorneqassallutik. Aningaasat qinnuteqaatigineqarput 3.000,00 kr

Aningaasaqarnikkut allaffissornikkullu kingunerisinnasai.

Aningaasaqarnikkut kingunerisinnaasai, balance ulloq 11.Juni 2018 ima annertutigisumik imaqarpoq: 185.000,00 kroner

Innersuussut

Allaffeqarfiup innersuussutigaa, ilaasortanit akuersissutigineqassasoq.

Aalajangiineq

Innersuussut akuersissutigineqarpoq.

Imm. 09 Inuiattut ullorsiorinissami aqqissuisut qinnuteqaataat.

J.nr.

Tunuliaqutaq:

Sunngiffimmi ataqatigiissaarisut allagaqarlutik qinnuteqaataat, siulittaasumit Barnabas Larsen-mit oqaluuserisassatut akuersissutigineqarpoq.

Inuiattut ullorsiorinissami 21.Juni 2018 pisussami aningaasanik atugassanik qinnuteqarput.

Taakkulu Kaffe/The kalaaliminernut kiisalu aliikkutani akissarsiaqartitassanut atorneqassallutik.

Aningaasat qinnutigineqarput: 5.000,00 kroner.

Aningaasaqarnikkut allaffissornikkullu kingunerisinnasai.

Aningaasaqarnikkut kingunerisinnaasai, balance ulloq 11.Juni 2018 ima annertutigisumik imaqarpoq: 185.000,00 kroner

Innersuussut

Allaffeqarfiup innersuussutigaa, qinnuteqaat akuersaarneqassasoq.

Aalajangiineq

Innersuussut akuerineqarpoq.

Imm. 10

Paasissutissiissutit / Ilisimatitsissutit

- 1. Atuarfiup siulersuisuisa ataatsimiinneranni imaqarniliaq.**
- 2. Allaffiup pisortaata nalunaarutaa qaammat Maj 2018**
- 3. Nunaqarfimmi aqutsisut ataatsimiinneranni imaqarniliaq 23. Maj 2018**
- 4. "Oqalliffik" 31. Maj 2018 imaqarniliaq.**
- 5. Inuttut ineriartorneq pillugu tamanut ammasumik paasisitsiniaaneq.**

Imm. 11 Tamalaat

- Inuiattut ullorsiornissaaq Haaleeqqami ingerlanneqassaaq
Kangaatsiarmit kalattoortartut tikissapput.
Folketinngimi ilaasortat tikissapput.
- 16-17.Juni 2018 saligisitsisoqassaaq
- Mary Fond-miit tikeraartoqassaaq.
- Type 2100 illuliassaq sooq uninngaannarpa ?
- Angallatikoq ikuallannikoq 17/6/2018 peerneqarnissaa killilerneqarpoq.

Nunaqarfinni aqutsisut ileqqusumik ataatsimiinera
13.Juni 2018 08/18.

Ataatsimiinneq naammassivoq nal: 14:50

